



柳田文庫
文庫11
D 307
4



文庫 11
D 307
4

柳田泉文庫

010190567287



華陽國志卷第十一

後賢志

聞之善志者述而不作序事者實而不華是以史遷
 之記詳於秦漢班生之書備乎哀平皆以世及事邇
 可得而言也西州自奉聖晉後俊偉倜儻之士或脩
 德讓行止從時或播功立事當有羽儀上京策勲王
 府甄名史錄侔於先賢會遇喪亂軋構華夏顛墜典
 籍多缺族祖武平府君愍其若斯乃操簡援翰拾其
 遺闕然但言三蜀巴漢未列又務在舉善不必珍異
 關之者舊竹素宜闡今更撰次損益足銘後觀者凡



二十人綴之斯篇雖行故墜沒大較舉其一隅

衛尉散騎常侍文立廣休

散騎穆穆誠感聖君

西河太守柳隱休然

西河烈烈秉義居貞

漢嘉太守司馬勝之興先

漢嘉克讓謙德之倫

郫令州主簿常昂脩業

郫君騫諤自固底身

江陽太守何隨季業

江陽皎皎命世清淳

梓潼太守王化伯遠

梓潼矜矜在險能平

太子中庶子陳壽承祚

庶子稽古遷固並聲

漢中太守李宓令伯

漢中韙韙才蓋羣生

犍爲太守杜軫超宗

犍爲印印友于寔令

給事中任熙伯遠

給事温恭尚德茂榮

中書郎王長文德雋

中書淵識寶道韜明

大長秋壽良文淑

長秋忠肅明允篤誠

大司農西城公何攀惠興

大司農運籌思侔良平

少府成都威侯李毅允剛

少府果壯文武是經

衡陽內史楊邠岐之

衡陽固節隱然不傾

尚書三州都費立建熙

尚書準繩古之遺直

湘東太守常騫季慎

湘東汜愛仁以接物

武平太守常寬泰恭

武平疊疊冰清玉嶷

揚烈將軍梓潼內史譙登慎明

關

江陽太守侯馥世明

華十一

文立字廣休巴郡臨江人也少遊蜀太學治毛詩三禮兼通羣書州刺史費禕命為從事入為尚書郎復辟禕大將軍東曹掾稍遷尚書蜀并於魏梁州建首為別駕從事咸熙元年舉秀才除郎中晉武帝方欲懷納梁益引致雋彥泰始二年拜立濟陰太守武帝立太子以司徒李^允為太傅齊王驃騎為少傅選立^{中庶子}立上疏曰伏惟皇太子春秋美茂盛德日新始建^{當作}幼志誕陟大繇猶朝日初暉良寶耀璞侍從之臣宜簡俊又妙選賢彥使視觀則覩禮容揀

關

棣之則聽納當受嘉話駭耳之言靜應道軌動有所采佐清初陽緝熙天光其任至重聖王詳擇誠非冀朽能可堪任臣聞之人臣之道量力受命其所不諧得以誠聞帝報曰古人稱與田蘇遊非舊德乎立上故蜀大官及盡忠死事者子孫雖仕郡國或有不才同之齊民為劇又上諸葛亮蔣琬費禕等子孫流徙中畿宜見敘用一則以慰巴蜀民之心其次傾東吳士人之望事皆施行十年詔曰太子中庶子立忠貞清實有思理器幹前在濟陰政事脩明後事東宮盡輔導之節昔光武平隴蜀皆收其才秀所以援濟殊

方伸敘幽滯也其以立爲散騎常侍累辭不許上疏曰臣子之心願從疏以求昵凡在人情貪從幽以致明斯實物性賢愚所同臣者何人能無此懷誠自審量邊荒遺燼犬馬老甚非左右機納之器臣雖至愚處之何顏詔曰常伯之職簡才而授何謙虛也立自內侍獻可替否多所補納甄致二州人士銓衡平當爲士彥所宗故蜀尚書掾爲程瓊雅有德望素與立至厚武帝聞其名以問立立對曰臣至知其人但年垂八十稟性謙退無復當時之望不以上聞耳瓊聞之曰廣休可謂不黨矣故吾善夫人也西界獻馬帝

問立馬何如對曰乞問太僕帝每善其恭慎遷衛尉猶兼都職中朝服其賢雅爲時名卿連上表年老乞求解替還桑梓帝不聽咸寧末卒帝緣立有懷舊性乃送葬於蜀使者護喪事郡縣脩墳塋當時榮之初安樂思公世子早沒次子宜嗣而思公立所愛者立亟諫之不納及愛子立驕暴二州人士皆欲表廢立止之曰彼自暴其一門不及百姓當以先公故得爾也後安樂公淫亂無道何攀與上庸太守王崇涪陵太守張寅爲書諫責稱當思立言凡立章奏集爲十篇詩賦論頌亦數十篇同郡毛楚楊崇皆有德美楚

柳隱字休然蜀郡成都人也少與同郡杜禎柳仲並

知名隱直誠篤亮交友居厚達於從政數從大將軍姜維征伐臨事設計當敵陷陣勇略冠軍爲牙門將巴郡太守騎都尉遷漢中黃金圍督景耀六年魏鎮西將軍鍾會伐蜀入漢川圍戍多下惟隱堅壁不動會別將攻之不能克後主既降以手令勅隱乃詣會晉文帝聞而義之咸熙元年內移河東拜議郎武帝踐祚以爲西河太守在官三年以年老去官乞骸還蜀卒於家時年八十長子充連道令次子初舉秀才

杜禎字文然柳仲字雅厚州牧諸葛亮辟爲從事禎符郎令梁益二州都督仲度支禎子珍字伯重略陽護軍仲漢嘉巴東太守大同後並舉秀才珍子彌字景文仲子純字偉叔有名德幹器舉秀才巴郡宜都建平太守西夷長水校尉巴東監軍

司馬勝之字興先廣漢緜竹人也學通毛詩治三禮清尚虛素性澹不徼榮利初爲郡功曹甚善紀綱之體州辟從事進尚書左選郎徒祕書郎時蜀國州書佐望與郡功曹參選而從事侔臺郎特重察舉雖位經朝要還爲秀孝亦爲郡端右景耀末郡請察孝廉

大同後梁州辟別駕從事舉秀才歷廣都新繁令政
理尤異以清秀徵爲散騎侍郎以宗室禮之終以疾
辭去職即家拜漢嘉太守候迎盈門固讓不之官閑
居清靜謙卑自牧常言世人不務求道德而汲汲於
爵祿若吾者可少以爲有餘榮矣訓化鄉閭以恭敬
爲先年六十五卒於家子尊賢佐皆有令德

常勗字脩業蜀郡江原人也祖父原祥柯永昌太守
父高廟令從父閔漢中廣漢太守勗少與閔子忌齊
名安貧樂道志篤墳典治毛詩尚書涉洽羣籍多所
通覽州命辟從事入爲光祿郎中主事又爲尚書左

選郎郡請迎爲功曹時州將董軍政置從事職典刑
獄以勗清亮復爲督軍治訟平當還察孝廉除郾令
爲政簡而不煩魏征西將軍鄧艾伐蜀破諸葛瞻於
緜竹威振西土諸縣長吏或望風降下或委官奔走
勗獨率吏民固城拒守後主檄令乃詣艾故郾穀帛
全完刺史袁邵嘉勗志節辟爲主簿勗善儀容翔集
動爲表觀言論壯烈州里重之然交友惟賢不交下
己者汎愛之恩猶不足邵徵還道卒忌字茂通蜀謁
者黃門侍郎喪親以致孝聞察孝廉爲郎使吳稱職
歷舊闕參軍什邡雜令大同後刺史邵坐治城被徵

忌諛洛陳訴遠國初附君民始結不宜改易又表脩
治城池居安思危邊將常職事皆中情晉文帝時爲
相國辟忌舍人武帝踐祚拜騎都尉除河內令州名
爲難治忌挫折豪勢風教大興縣有奸嫂殺兄者羣
黨蔽匿前令莫得忌皆窮治入爲州都方議爲郡守
會卒忌爲人信道任數不從下人故爲貴勢所不善
是以作詩著論先攻己短臨喪與樂歡哀俱至爲上
類所稱忌友人廣漢段宗仲亦有學行蜀時官與忌
比表邵爲主簿與忌共理郡事文帝善之梁州辟別
駕從事舉秀才稍遷官至雲南建寧太守

何隨字季業蜀郡郫人也漢司空武後世有名德徵
聘入官隨治韓詩歐陽尚書研精文緯通星_歷郡命
功曹州辟從事光祿郎中主事除安漢令蜀亡去官
時巴土飢荒所在無穀送吏行乏輒取道側民芋隨
以縣繫其處使足所取直民視芋見縣相語曰聞何
安漢清廉行過從者無糧必能爾耳將縣追還之終
不受因爲語曰安漢吏取糧令爲之償察孝廉大同
後臺召不諂除河間王郎中令不就居貧固儉衣弊
蔬食晝躬耕耨夕脩講諷鄉族饋及禮厚皆不納目
不視色口不語利著譚言十篇論道德仁讓嘗有屠

牽猪過隨門猪索斷失之強認溷中猪隨便牽猪與之屠人出門尋得其所失猪謝隨還猪遂以乞之隨家養竹園人盜其筍隨偶行見之恐盜者覺怖走竹中傷其手足挈屐徐步而歸其仁如此太康中即家拜江陽太守民思其政年七十一卒官後州鄉人言議平當者皆相謂何江陽至於汶山夷有正直廉讓者亦號夷中何江陽杜景文何興仁皆為作傳長子觀字巨忠清公淑慎知名州里察孝廉西都南安令平西長史張昌作亂荊州從黨西上郡守無不望風降下至江陽平西將軍羅尚表為安遠護軍討賊平

殄除巴郡太守朝議欲以為寧州刺史會病卒次子遊治中從事隨時同郡繁令張崇清廉推讓見稱當時

王化字伯遠廣漢郫人也漢將作大匠王堂後也祖父商字文表州牧劉璋時為蜀太守有懿德高名在耆舊傳父彭字仲當脫一字巴郡太守化兄弟四人少令望化治毛詩三禮春秋公羊傳郡命功曹州辟從事光祿郎中主事尚書郎除閬中令為政清靜察孝廉大同後端右郡察孝廉為樂涇令縣近邊塞值胡虜反化率吏民積穀堅守虜斷道重圍孤絕七年伺

虜怠惰出軍討之民得野掠大軍至虜退以功封關
內侯遷朱提太守撫和殊俗得夷晉心轉任梓潼復
有稱績爲人嚴重言論方雅臧否允衷州里服其誠
亮年七十二卒官弟振字仲遠亦有德望廣都令巴
東太守叔弟岱字季遠恪居官次歷廣陽作唐令早
亡少弟崇字幼遠學業淵博雅性洪粹蜀時東觀郎
大同後梁州辟別駕別舉秀才尚書郎與壽良李宓
陳壽李驤杜烈同入京洛爲二州標雋五子情好未
必能終惟崇獨以寬和無所彼此著蜀書及詩賦之
屬數十篇其書與陳壽頗不同官至上庸蜀郡太守

陳壽字承祚巴西安漢人也少受學於散騎常侍譙
周治尚書三傳統精史漢聰警敏識屬文富豔初應
州命衛將軍主簿東觀祕書郎散騎黃門侍郎大同
後察孝廉爲本郡中正益部自建武後蜀郡鄭伯邑
太尉趙彥信及漢中陳申伯祝元靈廣漢王文表皆
以博學洽聞作巴蜀耆舊傳壽以爲不足經遠乃并
巴漢撰爲益部耆舊傳十篇散騎常侍文立表呈其
傳武帝善之再爲著作郎吳平後壽乃鳩合三國史
著魏吳蜀三書六十五篇號三國志又著古國志五
十篇品藻典雅中書監荀勗令張華深愛之以班固

史遷不足方也出爲平陽侯相華又表令次定諸葛
亮故事集爲二十四篇時壽良亦集故頗不同復入
爲著作鎮南將軍杜預表爲散騎侍郎詔曰昨適用
蜀人壽良具負且可以爲侍御史上官司論七篇依
據典故議所因革又上釋諱廣國論華表令兼中書
郎而壽魏志有失勗意勗不欲其處內表爲長廣太
守繼母遺令不附葬以是見譏數歲除太子中庶子
太子傳從後按傳從當作轉徙謂愍懷太子被廢再
徙金墉城再徙許也事具晉書再
兼散騎常侍惠帝謂司空張華曰壽才宜真不足久
兼也華表欲登九卿會受誅忠賢排擯壽遂卒洛下

位望不充其才當時寃之兄子符字長信亦有文才
繼壽著作佐郎上廉令符弟莅字叔度梁州別駕驃
騎將軍齊王辟掾卒洛下莅從弟階字達之州主簿
察孝廉褒中令永昌西部都尉建寧興古太守階辭
章粲麗馳名當世凡壽所述作二百餘篇符莅階各
數十篇二州先達及華夏文士多爲作傳大較如此
時梓潼李驤叔龍亦雋逸器知名當世舉秀才尚書
郎拜建平太守以疾辭不就意在州里除廣漢太守
初與壽齊望又相昵友后與壽情好攜隙還相誣攻
有識以是短之亦自列傳

李宓裴松之三國志字令伯犍為武陽人也祖父光
朱提太守父早亡母何更行見養祖母治春秋左傳
博覽五經多所通涉機警辨捷辭義響起事祖母以
孝聞其侍疾則泣涕側息日夜不解帶膳飲湯藥必
此下舊衍過字今據本郡禮
據三國志注引刪自口嘗舊作目嘗口今據
命不應州辟從事尚書郎大將軍主簿太子洗馬奉
使聘吳吳主問蜀馬多少對曰官用有餘民間自足
吳主與羣臣汎論道義謂寧為人弟宓曰願為人兄
吳主曰何以爲兄宓曰爲兄供養之日長吳主以
字舊脫三國志注引有今據補及羣臣稱之大同後征西將軍鄧艾

聞其名請爲主簿及書招欲與相見皆不往以祖母
年老心在色養拒州郡之命獨講學立旌授生武帝
立太子徵爲洗馬詔書累下郡縣此下舊衍相字今
逼遣注引有今據補宓上疏疏在本傳三國志注引
字作注引有今據補宓上疏疏在本傳三國志注引
見撫養臣少多疾九歲母行志母劉愍臣生孤弱
既無伯叔終鮮兄弟門衰祚薄晚有兒息外無期功
強近之親內無應門五尺之童瑩瑩子立形影相弔
而劉早嬰疾病常在林蔭臣侍湯藥未嘗廢離逮奉
聖朝沐浴清化前太守臣達察臣孝廉後刺史臣榮
舉臣秀才臣以養無主辭不赴命詔書特下拜臣
郎中尋蒙國恩除臣具表聞辭不就職詔書切峻責臣
墮首所能上報臣具表聞辭不就職詔書切峻責臣
連慢郡縣偏迫催臣上道苟順私情則告訴不許臣之
奉詔奔馳則劉病日篤苟順私情則告訴不許臣之

進退實為狼狽伏惟聖朝以孝治天下凡在故老猶
蒙矜愍况臣孤苦特為尤甚且臣少仕偽朝歷職郎
署本圖官達不矜名節今臣亡國賤俘至微至陋猥
蒙拔擢寵命優渥豈敢譬桓有所希冀但以劉日薄
西山氣息奄奄人命危淺朝不慮夕臣無祖母無以
至今日祖母無臣亦無以終餘年母孫二人更相為
命是以區區不敢廢遠臣今年四月有長報養劉之日
短也烏私情願乞終養臣之辛實非徒蜀之人士
及二州牧伯所見明知皇天后土實所共鑒願陛下
矜愍愚誠聽臣微言庶劉僥倖保卒餘年臣武帝覽
生當墮首死當結草臣不勝犬馬怖懼之情武帝覽
之曰宓不空有名也嘉其誠款賜奴婢二人下郡縣
供其祖母奉膳及祖母卒服終以上六字舊脫三國志注引有今據補河內温令敷德陳教
徙尚書郎為此字舊脫三國志注引有今據補政化嚴明大傅鉅平侯羊公薨無子帝令宗子為世

子嗣之不時赴喪宓遣戶曹齋移推轂遣之中山諸
王每過温縣必責求供給吏民患之宓至中山王過
縣徵芻芡薪蒸宓戕此字舊脫三國志注引有今據補引高祖過沛
賓禮此字舊脫三國志注引有今據補老幼桑梓之供一無煩費伏
惟明王孝思惟則動識先戒本國望風式歌且舞誅
求煩碎所未聞命後諸王過不敢煩温縣盜賊發河
內餘縣不敢近温追賊者不敢經界隴西王司馬子
舒深敬友之而貴勢之此二字舊脫三國志注引有今據補家憚其公
直宓去官為州大中正性方亮不曲意勢位者失荀
張指左遷漢中太守諸王多以為冤一年去官年六

十四卒著述理論論中和仁義儒學道化之事凡十
篇安東將軍胡熙與皇甫士安深善之又與士安論
夷齊及司馬文中杜超宗郟令先文廣休等議論往
返言經訓詁衆人服其理趣釋河內趙子聲譏詩賦
之屬二十餘篇壽良李驤與陳承祚相長短宓公議
其得失而切責之常言吾獨立於世顧景爲疇而不
懼者心無彼此於人故也宓六子皆英挺秀逸號曰
六龍長子賜字宗碩州別駕舉秀才汶山太守少與
東海王司馬元超友昵每書詩往返雅有新聲少子
興字雋碩太傅參軍幼子盛此下當脫一字目錄碩
不載今無以補之

寧浦太守宓同時蜀郡高玩字伯珍少受學於太常
杜瓊術藝微妙博聞強識清尚簡素少與宓齊名官
位相比大同後察孝廉除曲陽令單車之縣移檄縣
綱紀不使遣迎以明三才徵爲太史令送者亦不出
界朝廷稱之方論大用會卒

杜軫字超宗蜀郡成都人也父雄字伯休安漢雒令
軫少師譙周發明高經於譙氏之門郡命爲功曹鄧
艾旣破蜀被徵鍾會進成都時太守南陽張府君不
肯出官軫進曰征西囚執鎮西在近必有所遣軍亂
之際交害無常宜避正殿府君即出住下舍會果遣

參軍牽宏為太守數百騎擐甲馳馬入郡前驅問侯所在云已出善之宏復召為功曹察孝廉除建寧令徙任山陽新城池陽所在有治入為尚書郎每升降趨翔廊閣之下威容可觀中朝偉之遷健為太守惠愛在民還為州大中正軫既才學兼該而氣量倜儻武帝雅識之方用內侍會卒時年五十八弟烈字仲武貞幹敏識平坦和粹名譽侔軫察孝廉歷平康牛鞞南鄭安陽令王國建首選為郎中令遷衡陽太守兄軫喪自上求去官以兄子幼弱軫喪飄飄欲扶將靈柩葬舊墳武帝歎惜軫能用未盡而嘉烈弟意轉

拜徙官健為太守又轉湘東少弟良字幼倫亦有當世局分舉秀才茶陵新都令國王當作王國誤郎中令遷涪陵建寧太守兄弟並典州里以為美譚軫二子長子毗字長基少子秀字彥穎珪璋琬琰世號二鳳毗舉秀才大將軍辟掾太傅參軍平東長史尚書郎稍遷鎮南軍司益州刺史主簿早卒按早卒二字疑衍晉書載毗為杜跋所害也

任熙字伯遠蜀郡成都人也漢大司農任方後也世有德彥父元字秀明健為太守執金吾熙治毛詩京易博通五經事親至孝居喪毀瘠為州鄉所稱察孝

廉除南鄭令以病去官復授南鄭不就轉梓潼令爲政清淨辭疾告歸勤農力穡居室致給循訓閨門內則可法博愛以謙恭接物開門待賓傾懷下士客無長幼必有供膳清談遊講不妄失言祇慎著聞太康中除越舊護軍非其雅好不往徵給事中熙以侍臣日左右贊暉揚光不可苟私終以病辭而蜀郡令每至官爲之脩謁歲致羊酒即家拜朱提太守固讓不之官好述作詩誄論難皆粲豔年六十九卒於家子蕃字憲祖察孝廉新都令西夷司馬涪陵太守蕃子迪字叔孤少與巴西龔壯俱知名而學業優之早

歿熙同時犍爲楊彭敬宗弟達訓宗各以德行稱同察孝廉彭比蘇令甘露降其縣達滇池令殊俗懷其德

王長文字德雋廣漢郫人也父顓字伯元犍爲太守長文天姿聰警高暢敏識治五經博綜羣籍弱冠州三辟書佐丁時興衰託疾歸家大同後郡功曹察孝廉不就遂陽愚嘗絳衣絳帽牽猪過市中訖人與語僞不聞常騎牛周旋郡守初至詣門脩敬至閭走出請終不還刺史淮南胡羆辟從事祭酒臥在治羆出板舉秀才長文陽發狂疾步擔走出門羆累遣教請

還終不顧還家養母獨講學著無名子十三篇依則
論語又著通經四篇亦有卦名擬易元以爲春秋三
傳傳經不同每生訟議乃據經摭傳著春秋三傳十
二篇又撰約禮已當作以除煩舉要凡十篇皆行於
時長文才鑒清妙汎愛廣納放蕩闊達不以細宜廉
介爲意亦不好臧否人物故時人愛而敬之以母欲
祿養咸寧中領蜀郡太守郫有孝子羅偶事親至孝
二親將亡時病不能食肉終身不食肉郡察孝廉長
文追爲立表以旌之宰府辟三司及撫軍大將軍王
濬累辟不詣濬薨以故州將軍弔祭元康初試守江

原令縣收得盜賊長文引見誘慰時適臘晦皆遣歸
家獄先有繫囚亦遣之謂曰教化不厚使汝等如此
長吏之過也蜡節慶祈歸就汝上下善相懽樂過節
來還當爲思他理羣吏惶遽爭請不許尋有赦令無
不感恩所宥人輟不爲惡曰不敢負王君將喪去官
民思其政大將軍梁王彤及諸府並辟長文曰吾從
其先命者遂應彤招爲從事中書郎諸王公卿慕其
名咸與之交賈氏之誅從彤有功封關內侯再爲中
書郎愍懷太子死於許下博士中書論虞祔之禮長
文議虞祭宜還東宮以繼太子者爲主配食於潁川

府君皆施行除洛陽令長文見彤曰主者不庶幾奏
長文爲洛陽令彤笑荅曰卿乃不庶幾非主者也固
辭不拜聞益州亂以通經筮得老蠶緣枯桑之卦歎
曰桑無葉蠶以卒也吾蜀人殄於是矣拜蜀郡太守
暴疾卒時年六十四長文時人蜀郡柳竺任興亦博
學著聞俱爲州別駕竺在右職公亮蹇蹇刺史盛怒
欲殺人羣下請不聽竺乃懷縛徑入頓几上乃極陳
其刑理刺史從謝還縛舊校云關皆早亡久按晉書長文
有傳不得作久舊校甚非

壽良字文淑蜀郡成都人也父祖二世健爲太守良

少與健爲張徵費緝並知名治春秋三傳貫通五經
澡身貞素州從事散騎黃門侍郎大同郡主簿上計
吏察孝不就州辟主簿治中別駕舉才行刺史皇甫
晏貢之三司遂辟太宰除霸城令始平太守治政著
稱從扶風轉秦國內史文立卒後溫令李宓表武帝
言二州人士零頽才彥凌遲無復廟豫綱紀後進慰
寧遐外者良公朝在時二州之望宜見超子當作紹
繼立後帝徵爲黃門侍郎兼二州都給事中梁州刺
史遷散騎常侍大長秋卒葬洛北芒山徵字建興張
翼子也篤志好學官至廣漢太守緝字文平清檢有

治幹舉秀才歷城令涪陵太守遷譙內史舊校云良公朝疑設
何攀字惠興蜀郡郫人漢司空汜鄉侯武弟潁川太守顯後也父包字休揚察舉秀孝皆不行除瑯琊王中尉不就攀兄弟五人皆知名攀少夙成竒姿卓逸弱冠郡主簿上計吏州辟從事刺史皇甫晏稱攀王佐才也以爲主簿泰始十年養母歸家晏爲牙門張宏等所害攀操喪徑詣洛訟釋事得清刺史王濬復辟主簿別駕咸寧三年濬被詔罷屯田兵作船爲伐吳調攀進曰今見佃兵但六百人計作船六七年財可勝萬人後者未成前者已腐無以輔成國意宜輒

召回守休兵及諸武吏并萬餘人造作歲終可辦濬及綱紀疑輒召萬兵欲先上須報攀曰官家雖欲伐吳疑者尚多卒聞召萬兵必不見聽以佃兵作船船不時成當輒召以速爲機設當見却功夫已成勢不得止濬善之議欲入山裁船動數百里艱難攀曰今冢墓多種松柏當什四市取以速爲機濬悅之任攀典舟船器械冬遣攀使洛攀曰聖人之功可成使人信之不可必也夫高祖之大略猶未察於韓信婁敬因蕭何子房而後用之今建非常之功或莫之信羊公使君同盟國家所重加曩日失策江陵按江常作西謂祐救

西陵督步闡為陸抗所敗也事具三國志晉書思有夙駕宜與相聞此一助也濬曰何但羊叔子亦宗元亮之憂君至洛官家未
有舉意便前至襄陽與羊宗論之攀既至洛拜表獻
策因至荊州與刺史宗廷論宗未許乃見羊祜累日
共畫用兵之要攀曰若令循清海按令循清海當以
作青徐循海趣京下壽春揚州直指秣陵充豫踰海按海當
作淮並據
桑浦則武昌以東會稽以西必然駭困荊州平南徑
造夏口巴東諸軍固守西陵益梁之眾浮江東下封
樂鄉要巴上則武陵零桂長沙湘東從風而靡矣但
明信賞首尾俱會旌旗耀天四面雲合乘勝席卷傳

檄南極吳會不盡平者未之有也羊祜大悅遂表請
伐吳尋徵濬大司農至晉壽詔以濬為龍驤將軍除
攀郎中參濬軍事攀頻奉使詣洛時未婚司空裴公
竒其才以女妻之五年秋攀使在洛安東將軍王渾
表孫皓欲北上邊戍警戒朝議征却須六年攀上疏
策皓必不敢出宜因今戒嚴掩取甚易中書令張華
命宥下舍設諸難攀皆通之又濬性在忠烈受命必
果宜重其位號詔書遷濬平東將軍督二州事吳平
封關內侯濬入拜輔國攀為司馬上論時務五篇除
滎陽令進廷尉平有盜開城門下關者法據大辟攀

駁之曰上關執信之主下關儲備之物設有開上關
何以加刑遂減死多所議讞遷散騎侍郎太傅楊駿
謀逆請眾官攀與侍中傅祗侍郎王愷等往惠帝從
楚王瑋殿中中郎孟觀策戒嚴誅駿駿外已忽忽攀
與祗踰牆得出侍天子天子以為翊軍校尉領熊渠
兵一戰斬駿社稷用安封西城公邑萬戶策曰於戲
在昔先王光濟厥世罔不開國列土建德表功也故
逆臣楊駿謀危社稷構兵飛矢集於殿庭白刃交於
宮闈攀受命奮討凶逆速殄忠烈果毅朕甚嘉焉今
以魏興之西城為攀封國錫茲元社苴以白茅永為

晉藩輔往欽哉敬乃有土惠康黎元無或以隳爾顯
烈又賞綰萬匹攀固辭受五千疋又錫拜弟逢平鄉
侯兄子夔關內侯遷宣舊校內史不就轉東羌校尉
西虜寇邊遣長史楊威討之違攀指授失利徵還領
越騎校尉武庫灾百官皆救火攀獨以兵衛宮復賞
綰五百匹領河南尹遷揚州刺史假節在職數年德
教敷宣征虜將軍石崇表東南有兵氣不宜用遠人
徵拜大司農兼三州都自表以被疾錯忘不堪銓量
人物讓都職於任熙費緝不聽遷兗州刺史錫寶劍
赤舄固辭不之官時帝室政衰多害忠直又諸王迭

起好結黨徒攀闔門治疾不與世務朝議欲以爲公會薨時年五十七天子愍悼追贈司農印綬諡曰桓公遺令勅世子務行恭儉引荀公曾諸葛德林爲模範子璋嗣

李毅字允剛廣漢郫人也祖父朝字偉南州別駕從事父旦字欽宗光祿郎中主事毅少散達不治素檢年二十餘乃詣郡文學受業通詩禮訓詁爲學主事太守宏農王濬臨學講試問祭酒姬豔曰學中有可成進幾百人豔對曰可有百人濬怒言童冠八百而成者百人教少何爲毅對曰如豔之言明府之教盛

於孔氏不爲少也濬竒之命爲主簿濬嘗夢得三口刀云人以禾益之手持不得以問郡丞與掾吏莫能知毅對曰吉祥也三刀者州字而益之禾持不得禾傍失者秩字明府秩當至益州濬笑曰如卿言當相以爲秀才張宏毅益州刺史皇甫晏誣表晏反毅白濬曰皇甫侯起自諸生位極方州又當何求且廣漢與成都密邇而統梁州者衿益州之領須防若今日也益州有禍乃此郡之憂加張宏小豎衆所不與宜時走討濬欲先上後行毅曰大夫出疆苟利社稷專之爲賢何況殺主賊急當不拘常宜濬從之發兵與

牙門滿泰等共討宏斬之詔書遷濬益州刺史復爲州主簿別駕舉秀才及濬伐吳與何攀並爲參軍吳平封關內侯除隴西護軍以疾去官徙繁令遷雲南太守濬臨薨上表後武帝思濬問毅所在徙犍爲使持節南夷校尉久之犍爲民毛詵李叡與朱提民李猛共逐太守杜俊雍約以叛衆數萬毅討破之斬詵猛首叡走依五茶當作夷當重有亦叛晉朝復置寧州以毅爲刺史加龍驤將軍封成都縣侯夷遂大反破沒郡縣攻圍州城中原亂而李雄寇蜀救援不至疾病薨於窮城懷帝嘉其忠節追贈少府諡曰威侯

毅性通博居情雅厚賑卹寒貧篤於故舊人咸愛歸之但好談調德重猶少從弟苾字叔平脩身砥礪名行數諫毅宜矜嚴毅笑應之曰吾小來不治名素終杖旄節故可至九卿卿清儉當作檢履道卒不失成都令也時毅始受南夷而苾爲歷城令果作成都遷犍爲太守位官不及毅毅子釗世秉儒學有格望以父任爲謁者除壽林侯相不就爲尚書外兵郎自表赴難至祥柯夷斷道不得進經年以寧州城中無毅父疾病未知吉凶不食毅惟茹草迄至奔喪至朱提越巂太守西夷校尉毅女秀適漢嘉太守新都王載有

才智父亡後州文武推領州三年二州當太清中位
至方州節將者壽良何攀及毅永嘉中巴張弈希祖
爲荊州刺史南蠻長水校尉蜀郡張峻紹茂爲監南
中八部事西夷校尉持節事

楊邠字岐之犍爲武陽人也少好學志古藻勵名行
州辟主簿別駕刺史王濬舉秀才安漢雜令國王中
尉以選爲尚書郎遷汶山太守值夷復讎失殊俗和
徙授巴東轉廣漢永嘉初進衡陽內史遇流民叛亂
攻沒長沙湘東邠輒救助賊衆浸盛遂破郡城獲邠
欲以爲主邠不許賊晝夜持守邠候其小怠夜急走

比覺已去遠收餘衆軍重安欲投湘州刺史荀眺共
圖進取會眺降賊邠孤軍固城賊圍之誓死不移遂
卒城中時年六十九帝爲鎮東大將軍嘉其忠節死
義遣使弔贈策曰惟永嘉七年四月己未使持節都
督江陽諸軍事鎮東大將軍瑯琊王睿謹遣板命前
衡陽內史楊君忠肅貞固守正不移雖危逼節義可
嘉不幸殞卒孤城甚悼之今列上尚書贈君淮南內
史魂而有靈嘉茲寵榮嗚呼哀哉邠同郡楊稷文曹
泰始初爲交阯太守平九真鬱林日南四郡斬吳交
州刺史劉俊大將軍脩則武帝方授交州會孫皓遣

大將薛瑒陶璜十萬人攻稷被攻八月救援不至衆寡不敵遂爲瑒璜所獲囚稷欲以送皓稷毆血死帝嘉其忠烈歿命贈交州刺史也

費立字建熙犍爲南安人也父揖字君讓巴西太守立學義沖遠元靜沈嘿察孝廉王國中尉王年少好輕行遊觀立常正色匡諫及上疏風喻辭義劇切合箴規之體出爲成都令縣名難治立莅之垂績以性公亮入爲州大中正除巴西太守不就轉梁益寧三州都督兼尚書值大駕西幸長安常與大臣居守在洛加負外散騎常侍封關內侯每準正三州人物品

格褒貶帥意方規無復䟽親莫不畏敬然委曲者多恨其繩墨數辭諸郡意在河秦汝潁久之朝議欲以爲荊州永嘉六年與子并沒於胡寇立時漢國呂淑字偉德以清彥辟別舉秀才尚書郎秦國內史長水校尉負外常侍梁州都督與立同沒胡寇

常騫字季慎蜀郡江原人也祖父竺字代文南廣太守侍中父偉字公然閬中令騫治毛詩三禮以清尚知名州辟部從事主簿郡請功曹察孝廉萍鄉令以選爲國王侍郎出爲縣竹令國王歸之復入爲郎中令從王起義有功封關內侯遷魏郡太守加材官將

軍以晉政衰覩中原不靜固辭去官拜新都內史時
蜀亂民皆流在荆湘徙湘東太守疾病未拜卒年六
十八騫性汎愛敦敬循友宗族當官脩理恕以撫物
好咨問動必謙讓州鄉以爲儀範二州清官見述者
先有宜都太守犍爲唐定義業隴西太守巴西馮山
休翊而後騫云

常寬字泰恭騫族弟郢令勛弟子也父廓字敬業以
明經著稱早亡闔門廣學治毛詩三禮春秋尚書尤
耽意大易博涉史漢彊識多聞而謙虛清素與俗殊
務郡命功曹及察孝廉不就州辟主簿別駕舉刺史

羅尚秀才爲侍御史除繁令隨民縣零陵以舉將喪
去官湘州叛亂乃南入交州及州刺史陶咸表爲長
史固辭不之職雖流離交城衣敝襜袍冠皮冠乘牛
往來獨鳩合經籍研精著述依孟陽宗盧師矩著典
言五篇撰蜀後志及後賢傳續陳壽耆舊作梁益篇
元帝踐祚嘉其德行潔白拜武平太守民悅其政以
榮貴非志在官三年去職尋梁碩作亂得免難卒於
交州凡所著述詩賦論議二十餘篇子長生字彭祖
亦有學行州主簿資中令治中從事早亡時蜀郡太
守巴西黃容亦好述作著家訓梁州巴紀姓族左傳

抄凡數十篇漢嘉太守蜀郡杜龔敬脩亦著蜀後志
及志趙廞李特叛亂之事及喪紀禮式後生有取焉
譙登字慎明巴西西充國人譙周孫也仲父熙察孝
廉本部大中正沔陽令叔父同字彥紹少知名拒州
郡之命梁州刺史壽良與東羌校尉何攀貢之三司
及大將軍幕府爲尚書郎除錫令亦有爲作傳者登
少以公亮義烈聞郡命功曹州辟主簿別駕從事領
陰平太守郡五官素大姓豪擅侵凌羌晉登誅之郡
中皆肅後以李特作亂本郡沒寇父爲李雄巴西太
守馬脫所殺乃東詣鎮南劉公請兵時中原亂守公

三年不能得兵表拜揚烈將軍梓潼內史使合義募
登凡募巴蜀流士得二千人鎮西羅尚以退住巴郡
登從尚索益軍討雄不得乃攻宕渠斬脫食其肝
巴西賊破復詣尚求軍尚參佐多以必無利登憤恚
數凌折之又加責於尚尚但下之而已會羅羨殺雄
太尉李離舉梓潼來降登徑進涪城雄自攻登爲登
所破而尚將張羅進屯犍爲之合水文碩殺雄太宰
李國以巴西降羅遣軍掠廣漢破雄叔父驤虜其妻
子募人斫雄頭賊以向困而尚本參佐恨登之見矜
侮不供其軍食益州刺史皮素至巴東勅平西送故

遣將張順楊顯救登至墊江素遇害順顯還雄知登
乏食遣驥致攻兵窮士餓誓死不退衆亦餓死而無
去者永嘉三年爲驥所生得與登致雄言辭慷慨涕
泣獻歎無服降臣折情雄乃殺之囚其軍士皆以爲
奴虜畀兵士而連陰雨百餘日雄中以登爲枉而所
領無辜怒氣感天下赦出登軍士湮沒者初尚之在
成都也與雄攻戰郫令犍爲張昕欽明每摧破雄雄
衆憚之而救助不能并心爲雄所殺雄常言羅尚將
均如張昕輩吾族早無遺矣時牙門左汜亦有戰功
尚不能益其兵穀汜恚恨以母喪歸尚累召不往尚

怒曰微左汜當不滅賊乎遂殺之雄聞汜死大小相
賀登同郡縣李高亦有武幹平吳時與牙門將處前
獲孫皓封縣侯官至金城鴈門太守

侯馥字世明江陽人也察孝廉平西參軍舊空四字

薨後按薨上當有巴郡亂辟地入梓柯寧州刺史王

遜領平西將軍復取爲參軍遜議欲遷梓柯太守謝

恕爲涪陵太守出屯巴郡之把口表馥爲江陽太守

往江陽之泚源撫卹蠻獠克復江陵請當作通長江

雄征東大將軍李恭已在江陽馥招降夷獠脩繕舟

艦爲進取調預白遜請軍移恕俱出涪陵不能自前

恭舉衆攻馥衆寡不敵爲恭所破獲生虜馥送雄雄
下廷尉責當有脫曰事君有死無貳其次破家與國今
縱不死又無益國灰沒其分守心而已無他願望雄
必欲屈之使馥同郡人張迎曉之馥怒罵迎曰吾等
國亡不能存大難不能死低眉海內何面目相見也
且王寧州治亂才也以吾有桑梓之恥故遠上尚書
遣吾討賊受命之日實忘寢食但裁船未辨請軍未
至牽揣不及爲他所先當滅身隕碎以謝不及冀上
不負日月下不愧王侯吾豈苟生如卿兒女之人乎
迎還白雄雄義而赦之時雄衆寇所獲犍爲太守建

寧魏紀漢國太守梓潼文珍巴郡太守巴西黃龕涪
陵太守巴西趙弼永昌謝俊犍柯文猛皆區區楷顙
無如馥者數年卒

譔曰文王多士才不同用孔門七十科舊字闕撥百行
殊塗貴於一致若斯諸子或挺珪璋之質或苞瑚璉
之器或耽儒墨之業或韜王佐之略潛則泥蟠躍則
龍飛揮翮揚芳流光遐紀實西土之珍彥聖晉之多
士也徒以生處限外服膺日淺負荷榮顯未充其能
假使植幹華宇振條神區德行自有長短然三趙兩
李張何之軌其有及之者乎譙登侯馥忠規奮烈美

志不遂哀哉

五公

司空何武

司空趙戒

太尉趙謙

司徒趙溫

司空張皓

華陽國志卷第十一

華陽國志卷第十二

序志

常璩道將

巴蜀厥初開國載在書籍或因文緯或見史記久遠
 隱沒實多踈略及周之世侯伯擅威雖與牧野之師
 希同盟要之會而秦資其富用兼天下漢祖階之奄
 有四海按當有脫文梁益及晉分益為寧司馬相如嚴君
 平楊子雲陽成子元鄭伯邑尹彭城譙常侍任給事
 等各集傳記以作本紀略舉其隅其次聖稱賢仁人
 志士言為世範行為表則者名注史錄而陳君承祚
 別為耆舊始漢及魏煥乎可觀然三州土地不復悉

載地里志頗言山水歷代轉久郡縣分建地名改易於以居然辨物知方猶未詳備於時漢晉方隆官司星列提封圖簿歲集司空故人君學士蔭高堂翳帷幕足綜物土不必待本紀矣曩遭阨運西夏滔堙李氏據蜀兵連戰結三州傾墜生民殲盡府庭化為狐狸之窟城郭蔚爲熊羆之宿舍遊雉鹿田棲虎豹平原鮮麥黍之苗千里蔑雞狗之響丘城蕪邑莫有名者嗟乎三州近爲荒裔桑梓之域曠爲長野反側惟之心若焚灼懼益遐棄城隍靡聞廼考諸舊紀先宿所傳并南裔志驗以漢書取其近是及自所聞以著

斯篇又略言公孫述蜀書咸熙以來喪亂之事約取耆舊士女英彥又肇自開闢終乎永和三年凡十篇號曰華陽國記夫書契有五善達道義章法戒通古今表功勳而後旌賢能恨璩才短少無遠及不早援翰執素廣訪博咨流離困瘵方資腐帛於顛牆之下求餘光於灰塵之中劇滅者多故雖有所闕猶愈於遺忘焉蜀紀言三皇乘祗車出谷口秦宓曰今之斜谷也及武王伐紂蜀亦從行史記周貞王之十六年秦厲公城南鄭此谷道之通久矣而說者以爲蜀王因石牛始通不然也本紀旣以炳明而世俗閒橫有

爲蜀傳者言蜀王蠶叢之閒周迴三千歲又云荆人
鼈靈死屍化西上後爲蜀帝周葺宏之血變成碧珠
杜宇之魄化爲子鶴又言蜀椎髻左衽未知書文翁
始知書學案蜀紀帝居房心決事參伐參伐則蜀分
野言蜀在帝議政之方帝不議政則王氣流於西故
周失紀綱而蜀先王七國皆王蜀又稱帝此則蠶叢
自王杜宇自帝皆周之叔世安得三千歲且太素資
始有生必死死終物也自古以來未聞死者能更生
當世或遇有之則爲怪異子所不言況能爲帝王乎
碧珠出不一處地之相距動數千里一人之血豈能

致此子鶴鳥今云是鶩或曰鶩周舊校云今按說文
相妻慙亡去爲子鶩鳥故蜀人聞子鶩皆起云望帝
鶩戶圭切所言與蜀志所述相似爾雅亦云鶩周子
出蜀中也四海有之何必在蜀昔唐帝萬國時雍虞舜
光宅八表大禹功濟九州后稷封殖天下井田之制
庠序之教由來遠矣孔子述而不作信而好古竊比
於我老彭則彭祖本生蜀爲殷太史夫人爲國史作
爲聖則僊自上世見稱在昔及周之末服事於秦首
爲郡縣雖濱戎夷亦有冠冕故蜀紀曰大人之鄉方
大之國也至於漢興反當荒服而無書學乎漢書曰
郡國之有文學因文翁始若然翁以前齊魯當無文

學哉漢末時漢中祝元靈性滑稽用州牧劉焉談調
之末與蜀士燕胥聊著翰墨當時以為極歡後人有
以為惑恐此之類必起於元靈之由也惟智者辨其
不然幸也綜其理數或以為西土險固襟帶易守世
亂先違道治後服若吳楚然固逋逃必萃奸雄闕覲
蓋帝王者統天理物必居土中德膺命運非可資能
恃險以干常亂紀雖饗竊名號終於絕宗殄祀何者
天命不可以詐詭而邀神器不可以僥倖而取也是
以四岳三塗陽城太室九州之險而不一姓冀之北
上馬之所產古無興國夫恃險憑危不階歷數而能

傳國垂世所未有也故公孫劉氏以敗於前而諸李
踵之覆亡於後天人之際存亡之術可以為永鑒也
干運犯歷破家喪國可以為京觀也今齊之國志貫
之一揆同見不臣所以防狂狡杜奸萌以崇春秋敗
當作絕之道也而顯賢能著治亂亦以為獎勸也其
序曰

述巴志第一

先王經略萬國剖分厥甸巴梁式象縣辰九牧述職
貢賦以均佐周斃紂相漢亡秦實繁其民世載其俊
維天有漢鑒亦有光實司羣望表我華陽炎劉是應

洪祚攸長

按此下當有脫文

華一二

述漢中志第二

井絡啓耀文昌契符芒芒禹蹟畫爲九州功冒普天率土以休光靈遐照慶祚爽流邦家濟濟世德球球

述蜀志第三

蠢爾南域在彼要荒漢武德振蠻貊是攘開州列郡幽裔來王柔遠能邇實須才良甄德表失以明紀綱

述南中志第四

赤德中微巨猾干篡白虜乘釁致民塗炭爰迄靈獻皇極不建牧后失圖英雄迭進覆車齊軌蒙此艱難

述公孫劉二牧志第五

政去王室權流三傑瓜分天壤宰割民物舍彼信順任此智計大道既隱詭詐競設並以豪特力爭當世居正慮明名號絕替身兼萬乘籍同列國

述劉先主志第六

乾坤混始樹君立王天工人代萬邦是望明不二日地不重王苟非其器窮高必亢濛濛後主弗慮弗臧負乘致寇世業以喪

述劉後主志第七

陽升三九品物始亨帝紘失振任非其良趙倡禍階

華十二

亂是用長羅州播蕩朱旌莫亢皮張不造戎醜攸行
哀哀黎元顧瞻靡望

述大同志第八

素精南飄天維弛綱薨薨特流肆其豺狼蕩雄纂承
殲我益梁牧守顛摧黔首卒嘗三州毀曠悠然以荒
絡結王網民亦流亡

述李特雄期壽勢志第九

華嶽降精江漢吐靈濟濟多士命世克生德爲世雋
幹爲時貞略舉士女表諸賢明世濟其美不隕其名
述先賢士女總讚論第十

皇皇大晉下土是覆化贍教洽誕茲彥茂峨峨俊乂
疊疊英秀如嶽之崇如蘭之臭經德秉哲綽然有裕

述後賢志第十一

博考行故總厥舊聞班序州部區別山川憲章成敗
旌昭仁賢抑絀虛妄糾正繆言顯善懲惡以杜未然

述序志第十二

駟牡駸駸萬馬龍飛陶然斯猶阜會京畿麇獲西狩
鹿從東麋郁伯勞之旬不接辰嘗茲珍嘉甘心庶幾
中爲令德一行可師瓊璋倣儻貴韜光暉據冲體正
平揖宣尼道以禮樂教洽化齊木訥剛毅有威有懷

鏘鏘宮縣磬筦諧諧金奏石拊降福孔皆綜括道檢
總覽幽微選賢與能人遠乎哉

益梁寧三州先漢以來士女目錄

常道將集

高尚逸民嚴遵字君平成都人也

高尚逸民林閭字公孺臨邛人楊雄師之見方言

德行治中從事李宏字仲元成都人也

德行給事黃門侍郎楊雄字子雲成都人也

文學神童楊烏雄子也七歲預父文九歲卒

文學侍中揚州刺史張寬字叔文成都人始受文筆遣東受七經還以

教授

文學中郎將司馬相如字長卿成都人也

文學諫議大夫王褒字子淵資中人也

尚書郎楊壯成都人也見

美秀中郎將何霸字翁君郫人也

執正大司空汜鄉侯何武字君公霸弟以忠正為三公王莽欲篡殺之憚而

穎川太守何顯武弟也兄弟五人皆在漢書

黃門侍郎鄧通蜀人孝文帝時為侍郎甚有寵

卓王孫臨邛人見食貨志仍舊列於執正目下

政事左衛護軍陳立字少遷臨邛人歷牂柯巴郡太守治為天下最

節士太中大夫章明字公孺新繁人也

節士尚書郎侯剛字直孟新繁人也

節士尚書郎王嘉字公卿江原人也

節士美陽令王皓字子離江原人也

右十九人在前漢其侍郎田儀楊德意無善事在中也

知士博士羅衍字伯紀成都人也

德政益州太守王阜字世公成都人也

長沙太守任循字伯度成都人也少失父後為長沙

父母識知是事在精通也

公亮大司農司隸校尉任昉字文始循子也

徐州刺史任愷字文悌弟也

文學校書郎楊終字子山成都人也

文學侍中漢五更張霸字伯饒諡曰文父成都人也

聘士張楷字公超子文父也

聘士張光超弟也

尚書張陵字處沖公超子也自陵之後世有士官

義士趙定成都人以延仁趙為業

保貴太尉司徒司空特進廚亭文侯趙戒字志伯玃

文學國師太常趙典字仲經子戒弟也

忠亮太尉司徒郫惠侯趙謙字彥信戒孫也其子孫襲廚亭侯不顯

道德司徒司空趙温字子柔謙弟自是後世有二子

義烈侍中長水校尉常洽字茂尼江原人見趙温傳

道德侍御史常詡字孟元江原人者舊傳

述作謁者僕射何英字叔俊漢人也春秋

經治犍為屬國何汶字景由英孫也

高士楊由字哀侯成都人也見後漢方術傳

篤愛高士侯祈字升伯楊繁人父子

篤愛博士楊班字仲桓成都人弟也

公府辟士羅衡字仲伯郫人亦甚

至孝孝廉禽堅字孟由成都人也

推賢美陽令柳宗字伯騫成都人也

求次方

王仲曾

張叔遼

殷知孫並蜀人伯騫所拔皆至郡守失其官名

匡正治中從事張充字伯春江原人也

匡正司空辟士李兇字孟元江原人也

猛略部從事楊竦字子恭成都人也子統為二千石失其官

守憲陳湛字子伯成都人也

節上仲昱成都人也

高士王廣皓子也父為公孫述所聘自刎廣逃匿述破後郡及州命察舉皆不往曰吾不能復

仇敢當世榮利也

仁義志士任末字叔本繁人也

烈士嚴道主簿李磬字文寺嚴道人也

義烈郡功曹史朱普字伯禽廣都人也

巴郡太守朱辰字元燕廣都人也

還作漢中太守鄭廩字伯邑臨邛人也

右四十人馳名後漢尚書郎張俊夫其行朱倉傳舊校云倉字雲卿

見下目什邡人傳未詳

大鴻臚何宗字彥英郫人也

雙柏長何雙字漢偶宗子舊校云雙柏

穎逸廣漢犍為太守何祗字君肅郡人也

忠勤輔漢將軍張裔字君嗣成都人也

元寂太常杜瓊字伯瑜成都人也

侍中常竺字代文在書舊傳

南安將軍張表字伯達成都人也伯父肅廣漢太守

從

永昌太守王伉成都人蜀書

右八人在劉氏世

五更張霸夫人司馬敬司成都人也

公乘會婦張氏廣都人也

犍為楊鳳珪妻陳助臨邛人也

廣漢便敬賓婦常元常江原人廣都令常良女也

殷氏婦常靡常江原人常仲山女也

趙侯夫人常紀常江原人常侍女也

景奇妻羅貢郡人羅倩女也

趙憲妻何珪郡人也

朱叔賢妻張昭儀繁人也

廣柔長姚超二女姚妣饒郡人也

廣漢王遵妻張叔紀霸女孫也

右十一人列女

右蜀郡士女七十四人六十三人女

明略渡沔侯范目

閩中人也

文學聘士洛下閔字長公

閩中人也

元始侍御史任文孫

閩中人也

文學司空掾任文公

文孫弟也

先生胥君安

春秋傳首

京兆尹徐誦字子產

閩中人也

忠正侍中譙隆字伯司

閩中人也

高濤太中大夫譙元字君黃

閩中人也

潔白尚書郎譙英

授了也以易

公車令趙瑯字孫明

閩中人也

公府掾趙毅字仲都

瑯子也

公車令臧太伯

宏渠人也見瑯傳

雋才涼州刺史趙宏字溫柔

閩中人也

右十三人前漢

政事揚州刺史嚴遵字王思

閩中人也

徐州牧嚴羽字子翼

王思子也

長安令王偉卿

王思友見王思傳

政事大司農完賀字文和

宏渠人也

將略大鴻臚龐雄字宣孟宕渠人也

政事幽州刺史馮煥宕渠人也

明略使持節車騎將軍馮緄字鴻卿煥子

降虜都尉馮元字公信緄弟

尚書郎馮遵字文衡元子

政事司隸校尉陳禪字紀山安漢人也

漢中太守陳澄禪子

別駕從事陳實字盛先澄孫也與王

思防治中從事楊仁字文義閬中人也

志士荊州刺史龔調字叔侯安漢人也

忠貞魏郡太守趙晏字平中安漢

籌畫益州太守李暉字德印及巴者舊傳

汝南太守謁煥字闕汝州人也

度遼將軍桂陽太守然温字闕巴州人見

美化越雋太守張翕字叔陽安漢人也

越雋太守張瑀翕子也太守王

至孝上蔡令趙邵字泰伯閬中人也

孝子嚴永

名儒陳髦

隱士黃錯

右三人巴郡太守王堂所進失其官位見堂傳

巴郡太守龔楊字闕江人

茂才孟彪江州人右並

日南太守黎景字闕江人

茂才王澹閩中人也

文學掾龔策江人

桂陽太守李温宕渠人

戶曹掾趙芬宕渠人

上庸太守陳宏安漢人

忠義宕渠主簿曲庾宕渠人

忠義宕渠主簿馮湛宕渠人也

烈士郝伯都閩中人也

右三十九人後漢司隸校尉程烏等失其事不錄

義烈江陽太守程畿字季默閩中人也

程祁字公宏畿子也

楊汰字季儒巴郡人

韓儼巴西人

黎韜見巴西人然傳

壯烈將軍嚴顏臨江人見張飛傳

元貞徵士周舒字叔布閩中人也

文學儒林校尉周羣字仲直舒子也

博士周巨羣子也

雅重車騎將軍育陽景侯黃權字公衡閩中人在魏

尚書郎黃崇權子也

勇壯折衝將軍西陵太守甘寧字興霸臨江人

政事鎮南大將軍彭鄉亭侯馬忠字德信閩中

將略鎮北大將軍安漢侯王平字子均宕渠人

果壯左將軍宕渠侯勾扶字孝興漢昌人也

將略盪寇將軍關內侯張嶷字伯岐南充國

尚書僕射姚佃字子緒閩中人也

別駕從事馬勲字盛衡閩中人也

尚書馬參字承伯閩中人也

越舊太守龔龔祿字德緒安漢人父諶健

鎮軍將軍龔曠字德光祿弟也

徵士譙嶢字榮始西充國人也

淵通散騎常侍城陽亭侯譙周字允南嶢了在大劉氏

右二十三人在劉氏三國之世

馬妙祈妻義烈

趙雲君妻華烈

王元憤妻姬皆閩中人也

趙瓚妻姬節烈宕渠人也

童女趙英瑣

趙萬妻娥宕渠人

耿秉妾行安漢人

鮮尼母姜安漢人

右八人列女

右巴郡凡士女七十八人八十七人士

道德三老楊統字仲通新都人也曾祖仲績祁

光祿大夫楊博字仲達統長

文學侍中楊序字仲桓諡曰文父博弟

高士寇懽字文儀綿竹人序弟也

高士昭約字節宰維人也序弟子

術藝使持節交州牧楊宣字君緯什邡人

學士嚴象廣漢人宣弟也

大儒趙翹廣漢人宣弟也

烏丸校尉郭堅字闕維人也

善績司隸校尉郭賀字喬卿堅孫

光祿大夫侍中衛尉鐔顯字子誦鄆人

廬江太守蔡弓字子騫維人

永昌太守鄭純字長伯鄆人也

文學高士王祐字平仲鄆人也弟灌有文才而不悉行事也

文才樂安相李尤字伯仁維人也

尚書郎李充尤孫也

文才東觀郎李勝字茂通維人也見尤傳

公亮將作大匠翟輔字子超維人也

明廉侍御史洛陽令王渙字稚子維人也

司隸校尉王堂字敬伯維人也

聘士王稚字叔起諡曰憲文維人也

堂長子博失官位

博子遵亦失官位

善績蜀郡太守王商字文表遵子也

亢烈辟士段恭字節英新都人也

隱士夫子段翳字元章新都人也

隱士馮信字季誠都人也

越雋太守馮顥字叔宰都人也

武威太守南陽折侯張江維人也

鬱林太守折國江四世孫因封國改姓折

高士折象字伯式國之子也

治中祭酒朱倉字雲卿什邡人也

政事梓柯太守劉寵字世信維人也

孝子江陽符長姜詩字士遊維人也

陰德郡令王恂字少林新都人也

交州牧羊甚鄭人也

推讓野王令羊朥字仲魚甚

文學侍中董扶字茂安厚人子也

文學聘士任安字定祖厚人子也

高讓義士杜真字孟宗厚人子也

精誠五官諒輔字漢儒新都人

義士楊寬字叔仲新都人父斌兄混皆有

義士張鉗字子安廣漢人也

烈士賈栩字元集什邡人也

節士甯叔字茂泰廣漢人也

忠義縣竹主簿韓揆字伯彥縣竹人

壯童左喬雲縣竹人

孝廉汝敦新都人

周幹廣漢人

彭勰廣漢人

古朴廣漢人右三人儒

方術太醫丞郭玉字通直新都人

別駕從事李朝字永南鄭人也

丞相西曹掾李邵字偉南

朝永南兄入為別駕從事永南名邵丞相亮辟為西曹掾是此及廣漢士女贊注解皆互誤永偉二字

益州太守王士字義強

郡人也

別駕從事王甫字國山

士從弟也

優遊特進太常關內侯譚承字公文

郡人

才雋江陽太守彭羨字永年

廣漢人

忠謀從事鄭度

縣竹人也

忠烈從事王累

新都人也

右九人在劉氏世及二牧時

聘士任安母姚

維人也

姜詩妻龐行

維人也

姜嬪字義舊

縣竹人也狄道長

廖伯妻殷紀

配廣漢人也

便敬妻王和

新都人也

李珥字進娥

郡人李氏女

王輔妻彭邾

廣漢人也

李平字正流

廣漢李元

袁稚妻相烏

德陽人也

王上妻袁福

德陽人也

汝敦妻

失姓不知何縣人也

右十一人列女

右廣漢郡凡士女七十二人六十一人女一士

知術光祿大夫關內侯王延世字長叔資中人

揚州刺史楊莽字翁君武陽人見何霸傳

忠壯復漢將軍朱遵字孝仲武陽人也

隱遜合浦太守費貽字奉君南安人也

隱知徵士任永字君業楚道人也

精密上黨太守趙松字君喬武陽人也

文學城門校尉董鈞字文伯資中人

秀穎司隸校尉楊渙字孟文武陽人見魏書舊傳

漢中太守楊文方渙子文方穎伯冀州刺史仲穎二千石失其行事

政事司隸校尉楊準字伯邳文方兄子太守太尉李固舉之

清秀大司空張皓字叔明武陽人也

正直光祿大夫廣陵太守張綱字文紀皓子也

郎中張植綱子也

尚書張續植弟也

豫州牧張方字公始續弟也

正直司隸校尉趙旂字子鸞資中人也

別駕從事王元武陽人刺史張喬時見揚統傳

義士公車令杜撫字叔和資中人也

義士新都令趙敷字建侯武陽人也

孝士尚書郎隗相字叔通武陽人也

呂孟南安人不詳其事

吳順字叔和武陽人也

學士韓子方武陽人也

學士謝褒南安人也

右二十四人在漢世

政事蜀郡太守關内侯楊洪字季休武陽人

固率諫議大夫費詩字公舉南安人

忠正車騎將軍都亭侯張翼字伯恭武陽人

文學五官中郎將伍梁字德山南安人

文才射聲校尉楊義字文然武陽人

右五人在劉氏世從事賈龍不悉其事不錄

漢中太守楊文方妻陽姬武陽人也

相登妻周度武陽人也

曹敬字敬姬南安人也

程貞玦字瓊玉牛鞞人

尹仲讓妻韓姜武陽人也

儀成妻謝姬南安人也

趙媛姜資中人趙盛道妻也

張貞妻黃帛雙道人也

楊進武陽人廣漢王博妻

右九人列女

右犍為郡士女凡三十八人 士二十九人 女九人

忠正城陽中尉鄧先成固人也景帝時

楊王孫成固人

致遠衛尉博望侯張騫成固人武帝時

爽朗給事中張猛驀孫元帝時

高尚逸民鄭子真褒中人成帝時

右關

大儒李頡南鄭人

文學司徒李邵字孟節頡子

執正太尉李固字子堅邵子

雅望京兆尹李燮字德公固少子

奉車都尉李歷字季子固從弟也

善績司隸校尉李法字伯度南鄭人也

犍為太守趙宣字子雅南鄭人也

德望廣漢太守趙瑤字元珪宣子

溫雅尚書趙琰字稚珪瑤弟

義壯宏農太守陳綱字仲卿成固人也

義烈從事陳調字元化綱孫

知思巴郡太守陳雅字伯臺成固人也

南郡太守程基字稚業南鄭人也

大鴻臚劉巨公南鄭人也 見列女傳

廣漢屬國張泰字伯彊南鄭人也

政事度遼將軍張亮則字元脩泰從弟

愷悌縣竹令閻憲字孟度成固人也

隱士樊志張南鄭人 見征西將軍段熲傳

尚志聘士衛衡字伯梁南鄭人 樊志張弟子也

籌畫計曹史程苞字元道南鄭人也

文才葭萌長祝龜字元靈南鄭人也

義烈郡主簿段崇字禮高南鄭人也

義烈功曹程信字伯義南鄭人也

嚴孳

李容

陳巴

王宗

姜濟

曹廉

勾矩

劉旌

原展闕

義烈從事燕邠字元侯南鄭人也

義烈主簿趙嵩字伯高南鄭人也

右三十八人後漢

陳術字申伯歷二郡太守見蜀書撰益部耆舊傳者

右一人劉氏之世

子穆姜安眾令程祗妻李法妙也子基

劉泰瑛楊矩妻

杜泰姬南鄭人健為大守趙官妻

楊禮珪成固楊元珍妻陳省妻

李文姬趙太尉固女趙瑛妻

陳順謙鄧令曹寧妻陳伯臺從女也兄子陳規著書稱之

陳惠謙順謙妹度遼將軍張亮則夫人

張禮脩南鄭人趙嵩妻

韓樹南南鄭人趙賤妻也

右九人列女

右漢中郡士女凡五十人四十一人

忠義鎮遠將軍義侯文齊字子奇梓潼人也平帝不用為益州太守遂不

卷十二

女子

服王莽公孫述光武嘉之

北海太守文屯齊子也

節士李業字巨遊梓潼人也

遂久令李翬業子

益州太守景毅字文堅梓潼人也

政事有道景鸞字漢伯梓潼人也

文學孝廉楊充字盛國梓潼人也

壯烈濟陰相寇祺字宰朝梓潼人也

壯烈童人李餘活人也

義士功曹張壽字伯僖活人也

義士王晏字叔博活人也

方士李助字翁君活人也

右十二人漢世

尚元諫議大夫杜微字國輔活人也

李仁字德賢活人也

太子僕射李譔字欽仲活人也

太子家令尹默字思潛活人也

丞相參軍文恭字仲寶活人也

果銳前監軍大將軍司馬李福字孫德活人也見諸葛故事蜀書

右六人劉氏世

文極字季姜梓潼人將作大匠王堂夫人也
巴郡虞顯妻杜慈涪杜季女也
郭孟妻楊敬涪楊女也

右列女三人

右梓潼郡士女二十一人十八人女三人

脩慎少府太常關內侯王謀字元泰漢嘉人也

雲南太守張休闕

右二人漢嘉人士在劉氏世

文學荊州刺史尹珍字道真母斂人也

巴郡太守傅寶字紀圖平夷人也

忠義冠軍將軍寧州刺史謝恕字茂理母斂人也

右三人牂柯人士

忠義大將軍朝侯祭酒錫光字長沖闕

右一人西城人士

忠義雲南太守陽遷亭侯呂凱字季平不韋人也

右一人永昌人士

義正安漢將軍建寧太守李恢字德昂闕

領軍爨習闕

御史中丞孟獲闕

右三人建寧人士

輔漢將軍孟珙字休明闕

右一人朱提人士

先泥和女絡符人也

右一人列女江陽人

大凡三州十三郡自漢興至三國之終士女載傳記

者三百四十人二百九十三人

公七人

大將二十二人

侯二十人

卿佐十四人

侍中七人

尚書五人

司隸校尉六人

州刺史十三人

郡守四十八人

國師三人

光祿大夫四人

尚書郎十二人

中書郎將御史六人

公車令諫議太中十一人

公府辟士八人

高士一人

聘士七人

徵士四人

節士四人

列女四十七人

按人數不合蓋傳寫多非其舊也卷中前後各條皆放此

益梁寧三州三國兩晉以來人士目錄

明略大司農西城公何攀字惠興

清秀大長秋壽良字文淑

果烈西河太守柳隱字休然

梁益二州都督杜禎字文然

都督度支巴東太守柳伸字稚原

德行工陽太守何隨字季業

令德犍為太守杜軫字超宗

犍為太守杜烈字仲武

建寧太守杜良字幼倫

益州刺史杜毗字長基

德行給事中任熙字伯遠

涪陵太守任蕃字憲祖

義正郾令常勗字脩業

州都常忌字茂通勗從弟也

令才太史令高玩字伯珍江原人也

閔才湘東太守常騫字季慎江原人也

述作武平太守常寬字泰恭騫從弟也

使持節西夷校尉張岐字紹茂成都人也

征西將軍西夷校尉益州刺史王異字彥明成都人也

勇略雍州刺史南中郎將重安開國侯李陽字叔文

征虜將軍廣漢梓潼太守楊謙字令志成都人也

右二十二入蜀郡人在晉世

強濟少府成都威侯李毅字允剛郫人

西夷校尉李釗字世康郫子

仁讓漢嘉太守司馬勝之字興先郫人

德義梓潼太守王化字伯遠郫人

巴東太守王振字仲遠化弟也

作唐令王岱字季遠振弟也

述作蜀郡太守王崇字幼遠岱弟也

素隱中書郎王長文字德雋郫人也

建寧太守段容字宗仲廣漢人也

右九入廣漢人在晉世

漢中太守李宓字令伯武陽人也

汶山太守李賜字宗碩宓子也

太傅參軍李興字雋碩賜弟也

廣漢太守張徵字建興翼子也

譙國內史費緝字文平南安人二子見壽良傳

執義衡陽內史楊邠字岐之武陽人

清正尚書費立字建熙南安人

右七人隸為人士在晉世

衛尉文立字廣休臨江人也

武陵太守楊崇臨江人也

牂柯太守毛楚牂人也

右三人巴郡人在晉世

述作太子中庶子陳壽字承祚安漢人

驃騎府掾陳莅字叔度壽兄也

上廉令陳符字長信壽子也

建寧太守陳階字達之弟也

正直漢中太守閻續字續伯安漢人

卓略長水校尉荊州刺史張弈字希祖南充國人

令德錫令譙同字彥紹周子見周傳

義烈揚烈將軍梓潼內史譙登字順明周人

右八人巴西人士在晉世

清重長水校尉呂淑字偉德闕

右一人漢中人

廣漢太守李驤字叔龍福

右一人梓潼人

忠義江陽太守侯馥字世明闕

右一人江陽人

三州後賢五十一人并前賢三百九十一人

譔曰凡此人士或見漢書或載耆舊或見郡紀或在三國書并取秀異表之斯篇其洪伐宏顯者並附載

者齊之其但見名字而不詳其行故或以有傳無珍
喜闕之以副直文為實錄矣

華陽國志卷第十二終

補華陽國志三州郡縣目錄

鄰水廖寅

巴郡屬縣七

江州

枳

臨江

平都

墊江

樂城

常安

巴東郡 屬縣四

魚復

朐忍

漢豐

南浦

涪陵郡 屬縣五

涪陵

丹興

漢平

萬寧

漢髮

巴西郡 屬縣四 志云屬縣七又云其三縣為郡謂分置宕渠郡也

閬中

南充國

安漢

平州

宕渠郡 屬縣三

宕渠

漢昌

宣漢

漢中郡

屬縣六

南鄭

沔陽

褒中

成固

蒲池

西鄉

魏興郡

屬縣六

西城

錫

安康

興晉

鄖鄉

洵陽

上庸郡

屬縣五舊有安樂誤也今不列

上庸

北巫

武陵

安富

微陽

新城郡

屬縣四

房陵

沔鄉

昌魏

綏陽

梓潼郡

屬縣五

梓潼

涪

晉壽

白水

漢德

舊誤作廣漢德陽二縣今改正說具在志中

武都郡

屬縣九

下辨

武都

上祿

故道

河池

沮

平樂

脩成

嘉陵

陰平郡

屬縣四

陰平

甸氏

平武

剛氏

右梁州

蜀郡

屬縣六

成都

郫

繁

江原

臨邛

廣都

廣漢郡

屬縣八

雒

緜竹

什邡

新都

五城

鄴

廣漢

德陽

犍爲郡

屬縣五

武陽

南安

犍道

牛鞞

資中

江陽郡

屬縣四

江陽

漢安

符

新樂

汶山郡

屬縣全闕

漢嘉郡

屬縣全闕

越巂郡

屬縣十二

邛都

邛都

屬縣十二

晉書地理志云統縣入汶山并遷都安廣陽興樂平康蠶陵廣柔說具在志中

晉書地理志云統縣四漢嘉徙陽嚴道旄牛說具在志中

臺登

闡

蘇示

會無

大祚

定祚

三縫

卑水

潛街

安上

馬湖

右益州

祥柯郡

屬縣四

萬壽

且蘭

廣談

毋斂

平夷郡

屬縣二

平夷

暨

夜郎郡

屬縣二

夜郎

談指

晉寧郡

屬縣七

滇池

同勞

同安

連然

建伶

母單

秦臧

建寧郡

屬縣十三

味

牧麻

同樂

穀昌

同瀨

雙柏

存駝

昆澤

漏江

談橐

伶丘

脩雲

俞元

舊誤作新定今改正說具在志中

平樂郡

屬縣四

新定

興遷

平樂

三沮

朱提郡

屬縣五

朱提

堂螂

南秦

漢陽

南昌

南廣郡

屬縣四

南廣

臨利

常遷

新興

永昌郡

屬縣八

不韋

比蘇

哀牢

永壽

嵩唐

雍鄉

南涪

博南

雲南郡

屬縣五 志云屬縣七又云其縣二別為郡謂分置河陽郡也

雲南

葉榆

遂久

弄棟

蜻蛉

河陽郡

屬縣四 郡分雲南二縣又新立二縣今志存河陽一縣故知脫其三縣也

河陽

關

關

關

梁水郡

屬縣三

梁水

賁古

西隨

興古郡

屬縣七

宛温

律高

鐔封

句町

漢興

勝休

都唐

西平郡

屬縣三

盤江

來如

南零

右寧州

常璩是書巴志漢中志為梁州蜀志為益州南
中志為寧州其郡縣未列子目殊難尋檢李丞

華附
十
所刻脫落錯誤讀者尤不明晰予既訂正刊行
復作此目錄一通古人著述例以目居全書之
後據之士女目錄亦然故今更附其末云

補華陽國志梁益寧三州郡縣目錄終



